

ræða, eða aðstæður óeðlilegar, skal greiða heimtaugargjald samkv. kostnaðarreikningi. Helmingur heimtaugargjalds skal greiddur við umsókn, en síðari hlutinn áður en notkun hefst.

## VI. ÝMIS ÁKVÆÐI

Söluskattur samkv. lögum nr. 10/1960 um söluskatt, með síðari viðaukum og breytingum, er talinn með í upphæð gjaldanna, sem um ræðir í gjaldskrá þessari.

Hreppsnefnd er heimil að hækka og lækka gjöld þau sem um ræðir í gjaldskránni um allt að 20% án sérstakrar staðfestingar ráðuneytis, enda sé breytingin auglýst í Lögbirtingablaðinu, áður en til hennar kemur.

Gjaldskrá þessi staðfestist hér með samkvæmt vatnalögum nr. 15 20. júní 1923, og orkulögum nr. 58 29. apríl 1967, til þess að öðlast gildi þegar í stað, og birtist til eftirbreytni öllum þeim sem hlut eiga að máli. Jafnframt eru úr gildi numdar eldri gjaldskrár Rafveitu Vatnsleysustrandarhrepps.

*Iðnaðarráðuneytið, 22. apríl 1970.*

**Jóhann Hafstein.**

*Jóhannes Guðfinnsson.*

## AUGLÝSING

**um gjald fyrir afnot stöðumælareita í Reykjavík.**

Samkvæmt heimild í 65. gr. umferðarlaga nr. 40 23. apríl 1968 hefur eftirfarandi verið ákveðið:

Á Vatnsstíg, Frakkastíg, Vitastíg, Barónsstíg, Ránargötu, Bárugötu og á 5 reitum á bifreiðastæði við Garðastræti, verður gjald fyrir afnot stöðumælareita fimm krónur fyrir hverjar byrjaðar 30 mínútur.

*Lögreglustjórinn í Reykjavík, 25. maí 1970.*

**Sigurjón Sigurðsson.**

**Staðfesting forsetans á skipulagsskrá fyrir Skólamerkissjóð Eiðaskóla, útgefin á venjulegan hátt að mandatum af dómsmálaráðherra 29. maí 1970.**

Skipulagsskráin er þannig:

## SKIPULAGSSKRÁ

**Skólamerkissjóðs Eiðaskóla.**

Til sjóðs þessa var fyrst stofnað með upptöku merkis fyrir skólann á 75 ára afmæli hans 1958. Merkið teiknaði Þórarinn Þórarinsson, skólastjóri og var það vígt og helgað á afmælishátíðinni af biskupi Íslands Ásmundi Guðmundssyni, dr. theol., fyrsta skólastjóra Alþýðuskólans á Eiðum.

Merkið er þrjú vængstíliseruð M, hvít á bláum grunni, og standa þau fyrir kjör-orð skólans: manntak-mannvit-manngöfgi.

Formlega var svo sjóðurinn stofnaður við skólasetningu þann 17. okt. 1965 með 10 000.00 króna framlagi fyrrverandi skólastjóra hjóna, Sigrúnar Sigurþórs-dóttur og Þórarins Þórarinssonar.

Skipulagsskrá sjóðs þessa skal vera sem hér segir:

#### 1. gr.

Sjóðurinn heitir Skólamerkissjóður Eiðaskóla.

#### 2. gr.

Tilgangur sjóðsins er:

- a) að efla vöxt og viðgang Eiðaskóla,
- b) að stuðla að alhliða þroska nemenda skólans og starfsmanna hans,
- c) og að glæða fegurðarskyn þeirra.

#### 3. gr.

Sjóðurinn vill vinna að tilgangi sínum með því að:

- a) sýna þakklaeti og veita viðurkenningu með skólamerki í silfri eða gull, þeim nemendum og starfsmönnum skólans, eldri og yngri, sem í athöfn, starfi og lífi sýna inntak kjörorða skólans, manntaks, mannvits og manngöfgi, eða hafa með langri og dyggri þjónustu stuðlað að velgengni hans, svo og öðrum, sem orðið hafa Eiðaskóla að góðu liði.
- b) að afla skólanum hvers konar listaverka, er honum mega verða til fegurunar og prýði og þeim, er þeirra njóta til yndisauka og uppbyggingar.

#### 4. gr.

Tekjur sjóðsins eru:

1. Hagnaður af sölu skólamerkisins.
2. Vextir af stofnframlagi.
3. Gjafir og áheit.

#### 5. gr.

Af öllum tekjum sjóðsins skal einn fjórði hluti leggjast við höfuðstól, sem eigi má skerða, þó má, ef sérstaklega stendur á að dómi sjóðsstjórnar, veita lán úr sjóðnum, enda verði því varið í anda 2. gr. skipulagsskrárinnar.

Lánin endurgreiðist svo fljótt sem því verður við komið.

#### 6. gr.

Stjórn þessa sjóðs svo og ákvarðanir um viðurkenningar og listaverkakaup skal vera í höndum skólastjóra Alþýðuskólans á Eiðum og eins kennara, sem kosinn er í sjóðsstjórnina, ásamt varamanni, á kennarafundi.

Verði ágreiningur innan stjórnarinnar, sker kennarafundur úr.

#### 7. gr.

Skólastjóri Eiðaskóla hefur á hendi reikningshald sjóðsins, sem geyma skal á öruggum stað, þar sem hann nýtur beztu vaxtakjara. Birta skal reikning sjóðsins í skólaskýrslu.

#### 8. gr.

Sjóðsstjórnin skal halda gerðabók og skulu í hana innfærðar ákvarðanir hennar svo og greinargerð fyrir þeim.

#### 9. gr.

Verði því við komið, skulu viðurkenningar úr sjóðnum afhentar við skólasetningu ár hvert.

## 10. gr.

Merkið, allt eða hluta þess má ekki nota til skreytingar eða munsturgetðar, nema leyfi sjóðsstjórnar komi til.

## 11. gr.

Verði Eiðaskóli í núverandi formi lagður niður, skal sjóður þessi ganga til þeirra stofnunar á Austurlandi, sem kæmi í hans stað.

## 12. gr.

Leita skal staðfestingar forseta Íslands á skipulagsskrá þessari.

Í Reykjavík, 20. okt. 1965.

Staddur á Eiðum 17. okt. 1965.

Sigrún Sigurbórsdóttir.

Þórarinn Þórarinsson.

Nr. 141.

18. júní 1970.

**REGLUGERÐ**

um breyting á reglugerð um innflutnings- og gjaldeyrisleyfi  
nr. 35 19. febrúar 1970.

## 1. gr.

Við fyrstu grein reglugerðarinnar bætist eftirfarandi:

Úr tollskrárnúmeri:

21.07.09 Tilbúinn rjómi, mjólk og mjólkurduft, svo og rjóma- og mjólkurís.

## 2. gr.

Reglugerð þessi, sem sett er samkvæmt lögum nr. 30 25. maí 1960 um skipan innflutnings- og gjaldeyris mála o. fl., öðlast þegar gildi.

*Viðskiptaráðuneytið, 18. júní 1970.*

**Gylfi Þ. Gíslason.**

*Þórhallur Ásgeirsson.*

Nr. 142.

26. júní 1970.

**REGLUGERÐ**

um hækkun bóta samkvæmt lögum um almannatryggingar.

Upphæðir bóta samkvæmt lögum um almannatryggingar, annarra en fjölskyldubóta og fæðingarstyrks, skulu hækka um 20% frá 1. júlí 1970 að telja.

Heimild náí og til hækkunar um allt að sama hundraðshluta á þeim bótum, sem veittar eru samkvæmt sérstökum heimildum, eftir ákvörðun Tryggingastofnunarinnar og samkvæmt tillögum sveitarstjórna, þar sem það á við, sbr. 21. gr. almannatryggingalaga.

Reglugerð þessi, sem sett er samkvæmt lögum nr. 20 23. apríl 1965 um breyting á lögum nr. 40 30. apríl 1963, um almannatryggingar, staðfestist hér með til þess að taka gildi þegar í stað.

*Heilbrigðis- og tryggingarmálaráðuneytið, 26. júní 1970.*

**Gylfi Þ. Gíslason.**

*Hjálmar Vilhjálmsson.*